


八迷奇

卷之五

地 1980
917-8
部 5



八述奇卷五

鐵嶺張德彝在初隨筆潘士魁校



光緒二十八年十二月初四日庚寅陰霧猶太人戒食節名曰阿頭門贖罪即為希布來之最重者前於西十月初十日初九日自日落前起至次日落日後止二十四點鐘內星食點水均不進口凡不忠不信者當此之時諒不敢有不良之心也日昨倫敦東西一帶猶太多其教堂不剪祈禱之用故將學堂及會館數處皆假作暫時教堂之用云

初五日辛卯早大雨雷電大如黃豆午後晴猶太人懺悔節自九月九日晚五點十八分日落後各人即入此不飲不食之祈禱悔罪節洋名做木齊坡爾鋪與工人均休業咸赴教堂負白巾以誦經其在波蘭俄羅斯兩國者奉教尤虔至有在教堂中終夜靜坐不稍移動如和尚參禪翌日清晨大眾齊集同守禁食迨日落乃鳴羊角以成節按彼之意謂先生者非聖人將來必生一人使天下一家無灾病兵兇山水奠定五穀豐登云初六日壬辰陰雨數日前由日斯巴尼亞之瓦蘭溪亞

代呢亞二城販來蘋果橘子極多。往年此季上等橘子一筐七百一十四枚，價則十先或十二先，現僅七先半。由加那他運來琵琶桶蘋果亦多，價極廉。往年一桶價一鎊，現祇六先。

初七日癸巳陰，細雨大風相聞，而作聞昨在沙貝巷第五十號郝樂肉鋪官查出壞猪腿二，剝碎作團，食人有損，判罰五十鎊。人特樂康邨邨夫馬爾勒因牽一病牛赴倫敦市易錢，官察出罰五十八鎊八先。夫人既重衛生，在乎自衛，然貧富不齊，哲愚不等，官不能處處察考。

二

遂于飲食中先設法預防之，亦保養通國人民之一法也。

初八日甲午陰，雨早熬粥分眾人，并洋僕共四十六盃。考英兵分三類：戰兵、守兵、義兵。戰兵可赴他國，守兵不出本界，義兵雖准出外，僅能到各屬地。然守兵與義兵之自願隨征外國者聽之，各兵皆須在營二十年。有因病或他故在營五年或十年者，亦可滿二十年。辭仍強壯，仍願在營二十年者，經官驗明，仍留回家者，報明住址，官有賞，日給一先，或一先一二本士不等。在外陣亡

病故或因受傷患病回國于一年內亡故者妻與子女
國家皆有恤賞每月多少關於人口之數又別有一會
曰忠義會英名帕特里歐堤克凡陣亡兵丁之孤寡亦
皆設法養贍近因優待亡兵乃將其回家一年身故之
限展為二年前當英后賜眾午酌所傳皆係一年內者
今既改章故出示補傳其在二年內身故各兵之妻自
行報官以領月賞

初九日乙未早大晴午後微陰涼四年前所記之倫敦
拯救隊現更擴充募化進款固多而賑濟養育之費亦

三

鉅其上年總帳各項人數如所設賤飯鋪價廉而肉食
潔淨專售窮人一年往食者共三千五百二十六萬三
千三百九十一人暫宿店價廉木牀粘被與褥亦皆整
潔一年往宿者共一千五百六十六萬一千八百九十
二人代覓工作之流氓共十二萬二千一百一十一人
罪犯出監後無處可歸收田者共五千七百九十人拯
救無家之婦女收養者共二萬五千一百二十九名貧
苦人家經訪察設法賑濟使之過活者共二十五萬五
千八百二十七家窮人染病使人前往扶持者共一萬

零九十一人入夜大晴明星在望

初十日丙申早黃霧迷漫街市丈地不見人然燈未初
細雨後天稍清爽今日為西正月八日戌初倫敦美爾
夫婦在公署中請小孩男女自六歲至十四歲之改装
跳舞會因余帶有孫女現年九歲月前以東約欲否前
往候回信并問年歲屆期改何裝余致書謝謂願携往
註明年歲仍服本裝云即是眾中之新奇者繼又寄來
夜餐票三頁其色左白右紅橫寬二寸五分豎長寸半
上印千九百三年正月八日倫敦府小孩跳舞會九點

三十分美爾夜餐各語今日酉正二刻余同內人率孫
女乘車入老城城內往來車輛極多各處立有巡捕彈
壓指示至公署之旁門下車順樓牆地鋪紅毯搭有布
帳入門登樓轉入大廳前直行美爾夫婦率他阿得曼
等立左鄙金椅前對面有人執棍唱名引導一切多與
前在極樂堂同來者過美爾夫婦前男孩向之鞠躬握
手女孩與之請安與見君主禮同各孩見過皆順步入
大廳余等與日本公使林董率其孫女皆立于美爾夫
婦之右見所來幼童雛女共一千三百餘裝束不一有

歐洲各國今古官民兵丁鄉農工役有德國開色見五
瑞國賣牛乳人本國宮廷侍衛及律師乳娘庖丁堂倌
美洲西印度人斐洲黑人埃及人印度女日本女中國
男女五有戴項貂尾而身著女裙紅氅者有戴旗女帽
身者花裙藍氅而唇畫八字烏鬚者有著紅裙月白綉
花女鞋而頭戴日本女簪者有戴緯帽著藍號衣灰布
戰裙者有裝作西國女仙者有滿身鮮花肩荷竹梁名
曰一籃花者有裝作他洲苗野赤鬚赤髮者滿面黑毛
者奇醜之態筆難盡述見畢齊入大堂美爾夫婦坐於

正面矮臺金椅上余等坐其右其他世爵婦女坐其左
樓上奏樂一切款式亦同極樂堂既而當中四人橫提
木棍直立一行樂作小孩繞圈跳舞形式不一亦多新
奇處至更止計共一十六場臺上各人立起美爾相金
氏林董相美爾夫人余相特立伯爵夫人美爾夫婦先
行其他依次對對隨入左門登樓入正飯廳美爾夫婦
正坐右則金氏與余及孫女美爾夫人左則林公使并
伊孫女再次則皆臺上各婦女卓形長圓坐人二十有
四左右四小卓所坐皆美爾戚友之品高位尊者各小

孩男女皆經人引入右門至他間樓內飲食火雞煮魚
醬雞牛羊肉牛舌海蝦火腿生菜糕點鮮果香賓驗水
各品卓上亦列鮮花及對扯花紙爆食畢攙扶下樓入
堂坐臺上復看小孩跳舞兩場時乙子正遂謝歸是會
洋名朱威迺勒勒釋言幼年跳戲也是日林公使之
孫女亦著本國服色

十一日丁酉陰細雨陣陣申正偕內人帶孫女乘車東
南行十數里至安斯婁園第五十號赴特拉希夫人之
女段斯譚夫人家小孩改裝跳舞會入內先進飯廳見

六

特夫人母女繼而立食茶及小食少許後登樓看眾孩
跳舞幼童稚女百餘裝束無須再述其與昨日不同者
各孩背負一帖上書其人名姓及所裝束為何地人又
男女各客一帖上書請于男女各孩中各擇所喜者一
名書其名姓裝束于其上以便公賞寶星跳舞六場後
小孩分對走入內間各領糖果一小筐出旁門由大廳
左門轉回再則一女執筐向各客索回其帖將入他間
擇其中書名最多者公賞寶星法與公舉者同許久乃
回至旁間對眾唱名給賞所賞之二女孩一條作印度

王妃一則作瑞典鄉女二男孩則一作宮中舉牙紅衣侍衛一作法國武官其實星銅質金色形如制錢看畢下樓再入飯廳喫冰乳果羹各數匙謝歸時己戌正

十二日戊戌陰西曆上年十二月十七八兩日有各善男信女施捨小孩玩物布人等以備于耶穌節分給各醫院義學中之男女小孩各物聚齊先陳列於阿拉柏堂于此兩日備人觀覽大小共計二萬八千件外有雖係玩物而兼可使用者數百件以給其狹之稍大者更有無名氏特捨新鑄之六本士小銀錢一萬一千二百

個司妥瑪者特捨對社花帝爆二萬七千個布人中之大而著衣者四千

十三日己亥晴甚冷聞蘇格蘭都會格拉斯勾人木商麥格來向在緬甸京城蘭古恩售賣木料為生數年來集財甚富遺有一十五萬金鎊其人將死由有遺書云由三分之一與其妻其二分一半賑濟格蘭古恩之貧人不忘其生產地也一半賑濟蘭古恩之貧人不忘得產地也所有金錢皆願分給確為貧苦之人不給教中人及福音會中人以稱其心云

十四日庚子晴冷如昨入夜微雪河結冰京師有以臘
八粥塗樹冀其多子如古人嫁杏者而英之英蘭西南
界如代萬晒格婁希色西爾佛色墨賽府等正月初一
日晚亦有將樹枝浸入酒瓶名曰酒灌果木園因地產
賽得爾蘋果酒初一日樹醉卜將來蘋果豐盛也數十
鄉民一人抱賽得爾酒一大瓶他人各執一銅鑊器如
鐘勺壺鑊往見園主先歌一曲以致賀云醉盡蘋果樹
通鄉盤色白而酒色黃盆子造以好楓木啤酒成由大
麥香浸君樹以我等酒因此一浸定芬芳歌畢秉燭入

園擇各樹一枝浸入酒瓶一次並將各樹杈置麪包與
鹽少許隨灌酒各人搖鐘以極敲所携銅鑊器又歌曰
蘋果樹蘋果樹我等黃酒如甘露生而長長而生大帽
滿小帽滿大布袋中亦盈數哎呀孩子們英俗指樹同心
祝爾饒裕二歌俚鄙不堪譯出仍之以存真也

十五日辛丑晴冷都門乞丐每於封印後塗面改裝赴
各鋪討錢昨聞英蘭北界約克晒府有種下流人于新
年之日亦塗面改裝作斐美等洲野人頭頂鳥羽身披

廣聚通城各家排闥直入為之洒掃刷洗揮塵去垢以為戲入門不語彼此互作營營聲收拾畢本家備有酒果小食少食即去此等遊戲中國不視為暴客耶各地風俗雖有相似用意究不同耳

十六日壬寅晴冷聞英蘭極北各煤窰中工人輪班三個月一換冬季一班曰耶穌降生節班平日挖煤鑊桶上下井中專有一孩換送空桶至西十二月三十一日所繫之末桶或止月初一日之第一桶各工人贈此孩一耶穌降生餅釘挂桶邊俾易見否則亦有給錢少許

九

者又於西十二月三十一日蘇格蘭土俗凡貧家子女於是日以布作兜挂胸前沿街成影赴各家討取蕎麥麩餅乃隨行歌曰臘月三十一特洛洛立土語請賜白麩包黑者則不必繞行一日兜滿回家可供三日食云入夜微風尤冷

十七日癸卯晴冷昨日藩部傳云申報僑居司謂少年婦女之僑居南斐洲者苟無戚友照料或不經僑居會見保護恐無益而有險按僑居會歷來保護婦女之他往者現往南斐洲者亦由該會保護國家深為嘉許

自耶穌節後國家設法協助凡助每人一鎊約每月費
至百鎊

十八日甲辰晴冷如昨街行東北風皺面冷如都門十
月天英規男女幼時嬉戲不同屬身辭性情無益者禁
之地非開敞日光能臨而使人爽快者止之凡踢球拍
球拋球各藝之需力者必得學堂驗明年逾六或七歲
腦氣生足之幼童又隨時訪察違則罰故孩童遊戲各
得其當然各國養育教訓之法非一德國幼童操斃練
武袒臂推舉鍊球屬和國則拘執太甚遊戲處處有定

十

章禁破格冬日溜冰夏日在臨北海之石文呢根地方
挖沙玩耍亦有一定格局義國最先烈如二人對劍暗
中行刺喪心分離致人死地各遊戲之名雖云童戲多
有因之殞命者通國男女小兒皆不以死為心故無君
黨多出自義大里法俄兩國則經父母教養遊戲之法
由長傳幼有益無損大要相同他如日斯巴尼亞之天
主教各國神甫將古時遊戲各法著于冊勒令小孩仿
行而于身命無損丹瑞之間司堪的那威亞一帶小孩
戲物無多夏季栽種小樹或戲弄碎瓷及馬口鍊之

盤盃類入冬遍地冰雪以小冰牀載小孩大孩在後隨
推隨洒尚有趣北美洲加那地之北埃斯奎墨克斯地
方極冷苦入冬冰雪尤厚小孩更無戲物乃在撥蒙古
包前挂一物如鵠因畫短然油燈羣狹以皮裹身纏頭
以海馬牙作箭以手代弓拋射之亦極歡樂由此以觀
各地自樂其樂亦可概見矣

十九日乙巳晴而霧昨由英商部傳云由各海關報來
謂上年十二個月中自他國坐三等艙來英之貧苦人
共十九萬九千八百六十八人較前年多來五萬零百

土

十八人除此下船後或來倫敦或他往者外尚有充水
手一千五百餘人自西曆一千八百九十四年至上年
按年互為出入計之合一年多來萬人亦可徵英國商
務之盛矣

二十日丙午鎮日白霧迷漫咫尺不見人街市燈無光
入夜雨聞英國伯爵喀那文夫婦於上月由法京李茲
店攜行李至北路火車棧有首飾一小綠皮匣蓋有暗
鎖以皮帶細入衣包內交行主登保險簿車至夏雷改
乘午後輪船至都伍復坐火車戌初抵倫敦馬車接至

柏克蕾坊第十三號住宅行李到衣包未細皮匣已開匣內兩層其上層物直五千餘鎊皆失去計戒指十二金鈿八胸口針十女金表二以上各皆鑲嵌珠寶玉石之類中惟一戒指鑲重三十米粒珍珠一粒重三喀拉半每喀拉重四米粒鑽石一占共直八百鎊乃至貴者即時報巡捕用德律風傳各處奕正巴里通城巡捕廳火車行皆知祕為訪察無著

二十一日丁未晴聞前于西十二月十三日即上明在暹羅都城曼谷之獨溪園中有售各物善會國王及各

士

大員咸在彼擺攤然燈結彩鼓樂喧闐陳列佛象為多英武官葛倫廉買綉花手帕一占四十鎊一玻璃酒盃上鑿暹羅字二鎊貴由公主售也是皆効西法耳

二十二日戊申陰而微霧稍冷入夜微雨暖倫敦新舊城內因路及人稠僅有雙馬跑海公車名教木呢柏斯俗僅呼曰柏斯嗣於四面寬處師美法之鑲道公車名特拉木衛二三年前又師德之電線公車名衛希克勒此二車雖快於馬車究不便于城內四年前初創電汽自行車名曰謀士爾喀今春初到此已見售此車專鋪

而街市乘坐者約十之一二近在庇喀的里教斯佛等街又創用電汽公車容八人者容二十人者敞棚者帶車箱者惟車頂不坐人防險也是車較鍊道公車稍小較電線公車又甚速惟不數見爾聞車行現定造容二十人者二百輛工竣後可通城暢行矣

二十三日已酉早大霧稍暖已刺微清明申初復大霧數武不見人前二十日大霧半由窻隙吹入屋中迷漫似烟今日霧雖厚而屋中如常清爽蓋二十日霧低今日霧高也聞義俗諸生立有手槍會敬學不回家即至

十三

他處操練比賽準頭故每日諸生入學皆攜手槍學中按時有赫操亦有較槍者致多誤傷故傷現在學規禁止然童心不改合前後兩節觀之義人之不以身命為重可知矣

二十四日庚戌陰聞義國柏魯那富戶馬那拉者於數日前與子口角遂立意死後一切產業子不得承受乃拍賣各物易得四萬餘鎊之紙鈔納於牀褥下卧其上自焚而死次早其子始知鈔皆成灰苟得各鈔之號數尚可少獲遺產否則無一文矣今日係西正月二十二

日即前歲即西曆一千九百零一年正月二十一日英王襲位日午正通國各
營聲礮慶賀

二十五日辛亥早晴申正仍霧嘉慶年間西人在中國
傳天主教者分兩黨曰翟隋滋曰兜迷尼堪斯翟黨義
取基督兜黨義取先賢兜迷尼喀天主教規拜天不拜
君親翟黨人豪勇精能者曰將軍謂作事雖兇暴但有
益於將來者即為之甚至弑其君以為將來有益於國
所謂精能者中國祭祀祖先凡入教者暫順之而不勒
禁冀從教者眾兜黨則定守教規必要以脚踏祖父墳

十四

墓石碣之上以明其誠因之兩黨不睦兜黨稟教皇至
今禁翟黨入直隸僅在江南一帶現入中國傳教別加
兩黨在直隸曰拉雜里斯地在兩湖曰第蘭希斯堪斯
數日前英皇與后由三汀杭鎮地方回倫敦宮中午酌
畢西止赴文恣行宮因昨為其先君主忌日早英皇與
后率太子與妃及他王公夫人入宮內禮拜堂坐聽教
士唸經祝先君主之靈西教不拜君親而行跪拜禮于
教堂其面謁跪教皇求親跪美女乃勒禁入教華人跪
拜祖先噫如英皇之所為謂之不變國俗斯可矣

二十六日壬子陰雨入夜風昨日戍止海德夫婦同請
在阿勒巴瑪街第十三號阿勒巴瑪會館晚酌同席男
女十六人有日本公使林董夫婦肉菜無多與他飯館
之三先頓飯同惟外加香賓舍粒耳詢海德女阿蓮何
不來渠云今日客皆已娶嫁者不宜來陪也

二十七日癸丑早陰午後雨昨見新報內一則幼女被
擊乃一水手名哈爾得因前日在樓爾什街拳擊幼女
葛爾伶之背被捉女年十七歲供云曾與哈爾得同宿
三餘月因哈懶不作工遂別去繼而哈乃謀以將娶為

十五

妻喜而仍往同宿哈依然懶惰飲食不給云云官罪哈
而釋葛余到英以來見新報所述男女同宿如此者多
矣女皆無罪女不賣身則無食賣字不恥貞字不知西
土民風有如是者

二十八日甲寅陰風冷倫敦城內太木斯江以南貧人
甚多在康柏衛區之阿拉巴尼路有捨牛肉湯處洋名
格蕾蘇普其趙譯言大湯厨據云此厨定開半年自十
月中至明春三月每日寅之間遠近來之囚首垢面舊
衣破鞋婦女兒童極眾各提盆罐煬壺大小形式不一

到門時有二十巡捕彈壓每四十名一班按班開門厨
甚大先有大缸五內盛四百五十加倫每加倫合英者
四盛二百五十加倫者一外機器銅鍋四每中盛八十
加倫又有隨時備用之小鍋三每中盛六十加倫屆時
由大鍋分入使之熱湯可養身亦開胃口每日熬法用
牛頭七牛蹄百十二磅牛骨髓百六十八磅番菽三百
八十八磅葱二百二十四磅紅蘿蔔百七十磅大蘿蔔
百七十二磅豌豆四百四十八磅鹽三十磅胡椒末四
磅半芋香十一磅豆麩九十磅一日乞湯者不下七八

夫

千人所施日多一日曩備六千二百二十加倫今增至
二萬一百加倫一禮拜費約八十鎊乃賴厨中首善名
胡藹德者隨時募化云

二十九日乙卯陰雨陣陣狂風怒號倫敦城內東南一
帶貧民無工作婦女多飢苦入錢不易一寡婦養子女
四乃以布裹婦女衣中所用之鯨魚刺每一百四十四
條工價三法丁給一銀圓不又一寡婦養二子子一眇
乃縫碎皮作工每一碼半先給半又一婦携一瞽女縫
褲度日每條二奉士半給零又有做小孩鞋傳縫皮底

鑽鈕孔者每十二雙二本士牛或三本士做火柴匣自備漿糊每一百四十四個二本士牛做布人臂膊自備針線每一百四十四對一先惟合英國百物昂貴貧民之苦可知矣

三十日丙辰大晴西曆正月二十七日為德皇暨良弟二之生辰其母英君姊也昨晚酉正舅氏為甥設筵遙慶於文志宮同席太子太子妃丹國太子與妃及他公主夫人王爵德俄兩國公使丹國公使夫婦計二十八人宴畢英皇立起演說以壽德皇德國公使立答數語

十六

以祝英君英君即時并電賀德皇

光緒二十九年歲次癸卯正月

初一日丁巳大晴早懸龍旗已正偕眾參隨繙譯向北恭拜

聖牌行三跪九叩禮禮畢團拜互賀新禧寄居倫敦者多國語言既殊而規矩與教復異即以婚嫁徵之倫敦東北角之司瓦他麻村多波蘭貧民其婚娶在希臘教堂成禮屆時上等首客先入教堂坐于新郎應坐之座後到者餽以微物請其移開繼而四人背負紅綢引面遮白

紗之新婦入以避新郎注目進堂立定隨新婦之人口
稱與之梳髮乃加鳳冠于頂後則教士由一銀盆內抓
蛇麻一把向眾頭上洒之再將神像捧於新夫婦前使
觀面禱神聖保佑并然短燭各執其一各飲酒三杯彼
時隨新婦之女客佯拉女髦乃交其衣尾於新郎于是
新婦之左手始交新郎之右臂彼此互擦戒指而禮成
又西德爾貝路有一清真寺正面僅一小玻璃窗畫一
星一月義指長壽地鋪大氈壁書亞拉伯經空屋無座
在英國只一回教牧師名奎良木數日前一印度人結

大

親各人入寺不脫帽而脫鞋于門外新婦裝飾與英人
相似惟面不遮紗新郎著淺繡金花紅綢襖頭纏紅白
綢他人皆著英服頭戴口形紅毡帽牧師披闊髦頭纏
花布立新夫婦前操亞拉伯言問曰彼此成親是否各
出本意連問三次新夫婦皆答以是乃請諸客畫押作
證此後稱述回教先聖之名而夫婦之稱乃定繼而誦
經末則男客各吮新郎之額并左右腮兩次而禮成寄
居倫敦之德國猶太教人亦多能英語者頗少彼教人
在教堂成婚禮係一大牧師頭頂口形高帽著寬髦繡

金花偕十二人立于地中新婦到隨有六人偕新郎立於牧師對面上罩一長方花布帳四角四友各舉一桿牧師即讀婚例後令新郎及新婦之戚畫押新郎乃執新婦之手曰汝為我妻彼此互換金戒指牧師舉酒一杯為之祝禱畢令新夫婦各飲一口繼而新婦向新郎繞行三次新郎向新婦繞行兩次後新郎舉杯擲地使碎萬分義指夫婦永偕萬分不分也連新夫婦出堂眾人合聲唱曰去之夫婦受天之祐

初二日戊午晴西國衣服不時改式因之材料花樣亦

九

時有更易于是倫敦凡皮粘綢緞衣料及已成之衣服女冠各鋪皆于正六兩月減價售一次俾免貨滯本館正月者曰冬季六月者曰夏季每季貼招賤賣若干日貨之至老或尺寸不足者其價日減以求速售有原號一鎊至末天減至十二三先者又聞大鋪夥計除衣服外房榻飲食皆歸鋪中工價每一禮拜多者二鎊按時價合銀約十六兩出售各物由何人賣去管事者給有憑條記以所售若干錢按月總算每一鎊酬以二本士

初三日己未早晴申刻陰入夜風雨交加雷倫敦汽車

或電車價極貴每輛由五百至六百五十吉呢合六百
磅按時價合不下五千五百兩據云價雖如此而較馬
車尚甚廉也馬車每輛由一百五十鎊至三百鎊馬兩
匹由二百至五百鎊鞍韉兩分由五十至百鎊厩中晝
夜背負之黏套等共由十鎊至二十鎊統計每輛應由
四百至一千鎊此外又加地租房車馬稅及車夫工價
一年須三百鎊再加飲水燃料等一年又須三百六七
十鎊是馬車倍貴於汽車且汽車僅用一人外加電氣
火油之類費無幾將來通城汽車必盛於馬車

平

初四日庚申早晴午後陰申初驟雨一陣入夜晴英國
古魚鐘表時合中國之土圭測景之法皆用日圭看時
刻故至今凡老花園及樓房中多有日圭古蹟鑿於石
礎牆壁之上且隨有成語如光映影轉晝夜無限又時
比人命忽短忽長或彭或殤又日圭所指一刻不甚寬
苟失一刻試思棄工若干日晷之最古者在英蘭正北
坑柏薩城之白鷗行宮始自西歷六百七十年唐咸亨
又在瑞珂晒府之賽特村有小山向南一面立石四塊
各隔四英里以其影看時乃一山日圭也又在諾福府

之三汀杭城內有英君埃達倭之日圭

英王之有此名者共十其第一

係在九百係靠南牆外另立一石牌形似座鐘前一方

面上插一針左右與下三面寫數乃左寫六七八九右寫五四〇三下橫十十一十二一二牌頂刻字一橫云

我之時刻賴君指示厥後日晷之變格乃寄諸時計

初五日辛酉晴涼外國人不惟於平日各節處處求便求精而水陸軍中尤日求善法陸路既有氣球窺軍情近聞在海底又得探敵船之策乃一甚巧之法法國新創在海底船腹中能使三里外之敵船映入桌面布上

主

如繪察其所向可即定于某地某時放水雷余所聞如此雖未目睹其用而將來各國必仿而盛行也

初六日壬戌陰冷英國水師諸生在船操練每日飲食皆有定章如卯正扣扣一大盃辰正早飯麩包十二兩猪肉三兩加非加牛乳一大盃午正晚飯牛肉九兩煮生菜少許酉初點心麩包八兩果汁二兩將睡時各乾麩包四兩

初七日癸亥陰英國各公署之司員皆按本署所辦何事考其所學考列前者即為止途隨時傳入按所考

者如第一為聯典文本國及法德義俄等國語言文字天文地理算法等再則所專學者如格物化學醫道律例水陸兵法公法商務教門教讀製造以及雅斐兩洲之文字語言惟外部則不然不惟考其所學更須經人保薦察明其身家品行蓋以與外國交涉情形最關緊要其人必須忠誠謹慎以防從中舞弊洩漏機關而賣國求榮也

初八日甲子陰西人謂清氣養神清血換氣以口苟不患口膈之病肺亦必虛氣自鼻入走管入肺而自煖且

三

隨走去滓毛塵垢氣自清澄氣自口入既短而無用肺中氣盛不足血自不淨肺存濁氣譬如器積淤泥終歸無益入夜窓上稍開以進清氣亦妙法也

初九日乙丑晴現因天寒通城貧民之無工作者各區皆有或數百或千餘統計逾一萬經善士所設拯救隊及工人會等竭力周濟不使飢餓滋事近日頻見苦人列隊街行或數百或千餘隨有馬步巡捕數十四面彈壓前行者奏樂聲調淒慘此後或舉紅旗或舉黑旗其義未詳隨行左右有執馬口錢撲滿者向人乞錢于是

有沿途施捨者有自樓上擲下者多寡不拘聞一日竟得數十鎊足供每人一飽云

初十日丙寅早晴午後霧入夜暴風驟雨聞倫敦美爾夫婦于西去歲十二月三十一日午後讌老城貧家子女七千四百名於極樂堂不惟各孩在內聽樂飽餐且各得贈點心一筐其筐共載二十五敞車每筐內盛猪肉餅耶穌糕李子餅各一茶葉糖果各半觔相筐共用花繩五洋里長合三萬零四百英尺裝車共用十二人四個時辰始行裝盡當晚食將畢美爾亦立陳一段以鼓舞之眾

孩歡聲稱謝而散

十一日丁卯陰倫敦耶穌節餅或李子餅又名百果糕向皆各家自造材料頗多去冬諸物直昂桃仁尤甚且既做即須一大鍋所費甚多故各家咸計人數而買若干斤送禮買鋪造之餅每斤二三先不等聞通城各鋪出售共十萬零五千出大小不一由一斤至三十餘斤統約二百五十噸在教斯佛街僅胡柏爾一鋪售出萬出以上皆倫敦一城所用此外運往澳大里亞南斐洲印度及地各屬地並俄義瑞士諸國者自西八月間即

十四日庚午晴倫敦新任美爾約飯例請各國駐英公使赴否自便聞前者美爾獨未請魯麻呢亞國公使公使怒致書詢其由美爾答以其國待猶太教人不仁故不請公使無法在英辯駁乃報知本國其實乃美爾之錯蓋美爾雖為猶太教人而其請飯係照官例非私情也彼公使苟行文英外部告其非理有礙邦交答必歸于美爾矣此次不惟公使未經告理而彼國亦未追究是亦關乎國之大小強弱也彼國猶太教民更乘此機會勒令國家改定多條新例保其利益一切與他教人

同。

五

十五日辛未晴聞英人之學習水師兵官者皆須上等按例必在十六歲以上者先送登舊大船學四季合一年零三個月其家一年交官七十五鎊衣服等費年約五十鎊凡上船各童不惟衣須一律箱隻亦令相同完此四季考畢授以領帷再登他船游行外國每年其家仍須付官五十鎊待其升至游都食官俸方行停止供給云

十六日壬申晴聞昨有由美洲加那地正南麻呢投巴

府經官派來一人名石艾柏者招雇農工彼處曰地開墾有四十人創首各領官地由一百六十至六百四十畝不等種三年後償本引來此代各地主雇三百或四百農工約共一萬六千人各人飲食住所歸地主每年工錢由四十鎊加至五十二鎊

十七日癸酉晴前日在稼穡堂洋名阿格里柯邱霍勒人設犬會名曰克樂第自收携犬來此或出售或比賽犬身與眼瓜之大小毛與腿耳之短長色之黑白紫黃種類不一價亦極昂第一為布勒混義乃血獵犬也色

三

紫黃短毛大耳高腿價號五千鎊第二為達麻田其種產在奧國南界達麻堤亞地方故名其色白質黑點短毛小尾大耳長嘴價亦號五千鎊第三為柏爾蘇艾係俄種其色黃身細毛長嘴尾亦長而腿高價號一百五十鎊第四為日本西班牙乃長毛黑白花小哈巴以其初產于西班牙又來自日本故名號價二百鎊大小一千六百條共值二萬鎊往觀者入門票價及賣去若干皆未聞

十八日甲戌早微雨酉初大雨入夜雨止仍陰昨記之

布勒混狗身大耳大性頗靈曩者英人用之尋人踪跡如將所欲尋覓者之隨身一物如衫褲鞋襪之屬與之一嗅即能按其所嗅之味而追尋之以意度之各人氣味不同隨行皆有遺味故狗能辨別然被尋者亦有法防之啣破中指滴血于地狗追至滴血之處則止步不前想係氣味淆混之故達麻田狗中身長腿行動極速能隨跑於車下四輪之間故又名曰車狗柏爾蘇艾狗身細腿長馳驅輕快其性極馴能察地勢捉物且善獵狐云

三五

十九日乙亥陰涼亥正二刻偕內人乘車至瓦喀的里街代萬晒爾樓赴代萬晒爾公夫人茶會此會為本年倫敦第一大茶會蓋該公夫人為現在通朝各世爵夫人之首領故設茶會亦行倡首也樓房宏闊如宮修飾華美樓下奏樂樓上旁間備茶點酒食長卓設兩處來人男女千數百密擠如蟻盡官場中人登樓見代公夫婦後步入別間少立下樓時己子正

二十日丙子晴今日為西二月十七日英廷定于未初開議院屆時英君與后率太子往誦念宣詞於上議院

并請各國公使夫婦往聽。午初，余偕內人乘車走利貞街，過柴州市，見在柴荅十字街及白堂議院等街，皆左右排兵，中以黃沙鋪地。兵後立人，男女如堵。馬步巡捕往來，彈壓兩邊。各樓臨窗，亦挂綵綢，賃人瞻望。一切多與國王加冕時同。凡國王經過之地，皆自午初禁止電車游人行走。堂中正面一三級長方小台，上鋪紅氈，中設寶座，為君與后坐。左右二椅，為太子與妃坐。左面橫排四椅，為皇叔等坐。臺下右鄙一方池，內層層列座。坐各國公使對英君座，列長杙兩行，末一橫桌上，陳公文。

天

案件此外，左右各列長凳五行，皆坐上議院之公侯伯子男爵夫婦。此層地鋪花氈，杙凳咸罩柴呢，絳墊。再上四面敞樓一圈，正面與左右坐各國公使夫人命婦對面坐下。議院中數十人及新報館中十餘人。下議院人多，而此中容坐無幾。容立之數亦不多，故皆計定坐立之數。眾中拈鬮得座者坐，得立者立。其拈得白紙而不得入者，亦無法。車共五彩宮車六輛，前四輛各以紫馬四匹載行，內坐前引大臣、御前侍衛及內大臣等。第五輛以四匹烏騾載行，內坐宮官、嬪妃。第六輛載以青馬。

約訂將此事歸公正人判斷業經蓋印經予批准矣又
土耳其各省之在歐洲者其蠢動情形甚可慮亟須設
法整頓整頓之法須妥慎周密切實可行此層朕已與
土皇及土之臣工言之矣柏林條約簽押之各國有何
整頓善法可以條陳土皇請其照辦之處現在奧俄正
值商議予願所議各節足以濟事並望我亦得以竭力
相助至此事之各案卷亦將發交汝等閱看我與土國
政府議將毗連亞丁之邊界派員會同劃清雖經竭力
商議而迄未有成言之殊深抱歉現仍催辦甚力調征

三

木辣阿布杜拉

地在南斐洲

之大軍在義之蘇梅里蘭屬地

歐比亞海口

地在東斐洲

中有馬兵一隊係在橘子河

及脫蘭斯瓦一帶招募成軍現在不久即將前進義國
政府于此一事實屬真心相助予願經此一番舉動後
歸我英義保護之種族可期安枕無憂矣南斐洲事大
有起色令人可慰藩部尚書章伯綸前赴彼處查勘一
切功效甚著身歷其地即可與彼處經略大臣米勒訥
各屬之執政大臣及巨商碩士等討論一是凡棘手之
事或從此可以了結猜忌之心從此可以泯滅矣干奴

作如何照顧牛乳等項如何禁止撓雜治理收受另款
仍生利息之銀行之條例如何更改收受仗義捐款公
會如何再行設立均須設法辦理予謹祝彼蒼示爾程
途佑爾歲事念畢立起向眾點頭而後出院回宮眾亦
即散

二十一日丁丑晴英國白星洋行新置大輪船一隻名
賽得力者昨由立文浦海口駛赴紐約船載人可三千
頭等艙一百六十客廳飯廳在內二等艙一百四十五
三等艙四百二十據云船長如倫敦之柴草市帕瑪二

三

街寬似利貞街船面分九處由船底至船面高比倫敦
至高之樓船中所備飲食一日三餐足供一小城內一
萬五千人之用即如前者往來不足二十天共用牛羊
肉三萬五千斤猪肉五千斤牛乳五千斤糖萬斤加非
二千五百斤茶葉七千斤啤酒萬瓶雞三千隻鴨子六
百松雞二百細鷓鴣七百番薯二十五噸亦足見英美
兩國往來行客之多矣

二十二日戊寅晴入夜風鼠莫多於倫敦新房莫論矣
本使館老房也數年前當余住此時已見白晝鼠游行

樓板卓櫃間。昨聞斯特蘭街北一帶鼠患尤烈。布拉墨
司丹侯等街日落後婦女皆不敢步行往來。因鼠成羣
有害于人。也。斯特蘭街之蓋伊堤飯館一屋中儲有卓
布二千。每被鼠銜出千餘。酒窖中酒瓶有時經鼠拽出
七八碼外。以三四十瓶搭成窩洞。并不時咬斷電燈。據
人云所損物件直共五千餘鎊。且蓋伊堤飯館向來興
隆。每日晚餐之客必有二千餘人。今則無矣。由以上
觀之。其鼠之大而多可知。其他處之鼠偷食傷人損物。
嚇貓害狗甚多。筆難盡述。且云鼠不宜殺。苟害死一個

必有十餘。前狂奔喪亦奇聞也。

二十三日已卯晴。入夜風數日前。因現在倫敦無工貧
人太多。城中各地方官會於春園。議論設法俾之得所。
乃議定三條。一派百工官一員。二國家須早開官工。如
開墾荒地種樹成林。修補大路等。三城邑各官須向國
家會商。每開一工。以用人愈多愈妙。更須設法阻止他
城之貧民混入倫敦云。二年前如此無工之人雖多。僅
十萬五千零。乃今年竟增至十一萬四千六百四十六
人。

二十四日庚辰鎮日陰晴細雨不定外洋新報監督俄人魏賽里斯吉請于今日申酉之間在君主門園第四十一號會晤俄國公使育冑多第酉初乘車往入內遇他國公使男女多人見俄國公使拉手問候并與他人少敘戌初回使館

二十五日辛巳鎮日陰風怒號暖入夜雨帶小雹一陣聞本年為羅馬教皇即位第二十五年慶賀之節名曰朱比立述奇宮中懸花結綵共辦一十二天係自西二月二十日至三月三日即中正月二十五日當日天明先

三

在賢皮特教堂行其所謂之彌撒禮午正宮中接待各國前往慶祝之天主教人數逾六千多比國人教皇既登座召見各國貴客各人餽送禮物頗多共收金冕三項洋名悌阿拉式與國王者異作△形據云各冕皆須人工一年方竣又三冕共直八萬金鎊外有金鎖匙等統計所直不下百萬鎊此等朱比立禮猶太教以五十年為一節羅馬教堂向以百年為一節後漸減至二十五年

二十六日壬午鎮日陰晴風雨不定午初率馬清臣及

衡尹白三隨員乘車入十靜宮赴朝會曩者當女君主
維克都里亞在位時朝會歷在賢翟木斯宮見時君主
立各國公使率參隨同入今改於此宮登樓入正殿旁
間各公使與參隨分立午正殿門開各國頭二等公使
依次一行而入見畢在君左倚窗橫立一行繼而各國
參隨依次魚貫而入見後仍羣立對面侍衛後再後方
為本國文武員弁隨入隨出此次國君改坐金椅君座
太子及他公侯立君左座後禮官立君右稍前以唱名
立至未初二刻見畢君起立向眾點頭出殿申正驟雨

三五

小電一陣入夜晴

二十七日癸未自晨至夕陰風怒號極冷入夜風雨交
加英人麻宰多計者前赴斐洲西界呢翟里亞地方搜
覓珠寶前日來信言尋得產鹽之地甚廣挖出熬成合
十五先一噸該處原不產鹽歷由遠地販往每年需鹽
甚多價亦極昂今得此則與英人之利益豈淺鮮哉
二十八日甲申陰晴不定涼英廷現擬在帕瑪街白堂
左之樓房改建兵部衙門正面平樓四層左右二高樓
各七層式作凹字形現在開工三年方竣通用坡蘭地

方白石每出長六尺厚一尺重五或六噸通樓四面牆壁須用三萬噸因石細乃不鑿而以鋸鋸之向用手鋸每出須八點鐘繼用機器舊式者鋸一點鐘三十分新式者鋸四十五分現創一種鑽石鋸每出僅用十分之工是自一日之工減至十分速而且省矣鋸亦鋼造直徑七尺鋸邊隔一尺含鑽石一出助鋸齒之力誠不在多也

二十九日乙酉早晴巳刻驟雨一陣雨後復晴美國都司甘的之馬戲余前在柏林曾看一次述奇兩月前甘

美

來倫敦定入正西和蘭園西阿的森路之教林花園述奇中排演數日前東請今晚往觀遂于戌初偕內人率榮驥暨孫女坐車往至甘的迎入登樓入正面客堂堂寬敞橫列金椅一排後立小椅十餘戌正一刻開場亥正二刻畢所演較前迥異馬共二百餘匹惜無水牛西印度土種男女數十名更有小孩三名其他有美英閣薩土耳其馬步兵乘馬輕捷放槍極準隊伍整齊敵車六馬曳號令嚴肅行動停止卸車聲敵刷膛套車無不精利敏爽兵登城牆乃一名雙手橫舉其槍一名登

槍上牆如此陸續極速末名則遞槍與牆上者。牆上者接槍作下爬之式。雙手提槍下垂。墻下者即攀槍而上。至甘的年逾耳順。乘馬舉槍。旁一人提筐內盛三寸小瓷碟。乘馬隨之。池內馳驅之際。其人向上連拋五碟。甘則連放五槍。碟皆擊碎墜下。末場為三年前在古巴美與日斯巴尼亞交兵。美兵勝。扯去日旗。而豎美旗。槍礮齊發。其聲隆隆。聞之頗令人有感。既而甘的延入其房。進各甘酒一杯。少敘辭歸。

二月

三五

初一日丙戌陰。倫敦人數日眾。地漸擴充。于是四面毘連各村鎮。盡與倫敦混作一城。現周共一百一十六方洋里。民居四面共五十萬。住樓大小五十八萬所。一年租值統計三千六百萬鎊。城勢不見方而長。式如艾葉。太木斯江在當中。彎曲如葉根。南北西三面皆寬。西面如葉梢。東面江寬如葉根。四面犬牙相錯。計足前里數。王宮在城中。江北偏西。故城之西半一帶。樓房率多華美。街道寬敞。整潔。園圃亦多。富官城中。江北偏東。臨江一小圈地。為老城樓。雖高大。而街道局促。住戶少。而

商行多城之東南臨江左右皆船塢戶多船家水手魚
高樓房皆不甚高其他南北各處多住中下等人樓房
雖少破敗而高大者少街道時寬時窄雖平坦然較城
西各街稍欠潔淨

初二日丁亥陰冷英都地廣人稠治理不易因見老城
美爾管轄得法遂于西一千九百年十一月初一日御
緒二十六年由上下議院議定倫敦通城分作二十八
九月初十日由上下議院議定倫敦通城分作二十八
區各區即以本村之名名之亦各設美爾阿得曼及地
議事判案各人一切辦法咸與老城無異總名都城會

三五

邑至各區之名係巴特溪柏門賽貝那格林芬斯百里
康柏衛柴勒溪代特佛福樂航格林尼址哈墨司米斯
哈克呢哈木斯代霍勒貢伊荅地魯伊哈木坡蒲辣爾
堪興坦狼狽泗帕丁屯澳爾的池騷斯倭克司台普呢
司鐸克牛影地賢馬立本賢潘喀斯西敏斯得五里治
宛自倭爾斯又各區美爾等亦由各區公舉

初三日戊子鎮日風雨陣陣涼倫敦所分各區大小不
同人丁樓房為數亦異姑分記之如巴特溪在城中稍
西太木斯江南周二千一百六十九方洋畝居民十六

萬八千八百九十六名口樓房一萬四千九百二十二
所按年租價共估九十萬六千二百三十五鎊按每鎊
公抽六先十本士以供本區公費設美爾一阿得曼九
柏門賽在城中稍東太木斯江南周一千五百一十六
方洋畝居民十三萬零四百八十六名口樓房二萬一
千二百六十三所按年租價共估九十萬零二百八十
八鎊按每鎊公抽七先九本士以供本區公費設美爾
一阿得曼九貝那格林在城中稍東太木斯江北周七
百五十五方洋畝居民十二萬九千六百八十一名口

三九

樓房一萬五千七百一十四所按年租價共估四十五
萬七千五百一十九鎊按每鎊公抽七先一本士以供
本區公費設美爾一阿得曼五康柏衛在柏門賽之西
南周四千六百一十四方洋畝居民二十五萬九千二
百五十八名口樓房三萬七千一百八十七所按年租
價共估一百二十一萬一千七百四十九鎊按每鎊公
抽七先以供本區公費設美爾一阿得曼十柴勒溪在
城中偏西太木斯江北乃與巴特溪區對岸周六百五
十方洋畝居民七萬三千八百五十六名口樓房九千

五百九十所按年租價共估七十九萬九千二百零八
鎊按鎊公抽六先三本土以供本區公費公設美爾一
阿得曼六代特佛在柏門賽與康柏衛之間而偏東周
一千五百七十四方洋畝居民十一萬零五百一十三
名口樓房若干所按年租價共估五十九萬四千零十
四鎊按鎊公抽六先一本士以供本區公費設美爾一
阿得曼六代特佛在貝那格林之北周五百八十八
方洋畝居民十萬一千四百七十六名口樓房之必出
租者一萬六千零七十六所按年租價共估九十四萬

四

七千四百七十四鎊按鎊公抽六先一本士以供本區
公費設美爾一阿得曼九福樂航在城正西太木斯江
北岸周一千七百零一方洋畝居民十三萬七千二百
八十九名口樓房一萬八千五百所按年租價共估六
十七萬七千八百九十七鎊按鎊公抽七先七本土以
供本區公費設美爾一阿得曼六格林尼址在代特佛
之南偏東周三千八百三十七方洋畝居民九萬五千
七百五十七名口樓房若干所按年租價共估五十一
萬七千三百二十鎊按鎊公抽六先四本土以供本區

公費設美爾十阿得曼五哈克呢在芬斯百里之北稍
東為城之東北角周三千二百九十九方洋畝居民二
十一萬九千二百八十八名口樓房三萬一千三百三
十四所按年租價共估一百一十六萬五千三百七十
七鎊按鎊公抽六先八本士以供本區公費設美爾一
阿得曼十

初四日巳丑鎮日風雨如昨哈墨司米斯在城之正西
邊福樂航之北周二千二百八十六方洋畝居民十一
萬二千二百四十五名口樓房一萬七千所按年租價

里

共估六十八萬四千零五十九鎊按鎊公抽六先半以
供本區公費設美爾一阿得曼六哈木斯代在城之西
北邊周二千二百六十六方洋畝居民八萬一千九百
零二名口樓房一萬二千零九十六所按年租價共估
九十三萬八千五百五十二鎊按鎊公抽六先二本士
以供本區公費設美爾一阿得曼六霍勒賁在城正中
太本斯江之北東傍老城周四百零九方洋畝居民五
萬九千三百九十名口樓房六千九百二十八所按年
租價共估九十一萬一千六百七十四鎊按鎊公抽六

先六本土以供本區公費設美爾一阿得曼七伊荅池
在荅斯百里之北偏西周三百零九十二方洋畝居民
三十三萬四千九百二十八名口樓房四萬五千五百
九十所按年租價共估一百八十五萬零四百八十一
鎊按鎊公拍六先以供本區公費設美爾一阿得曼十
堪興坦在城中偏西西接哈墨司米斯周二千一百八
十八方洋畝居民十七萬六千六百二十三名口可租
之樓房共二萬五千九百六十八所按年租價共估二
百二十一萬五千九百零六鎊按鎊公抽五先十本土

四

以供本區公費設美爾一阿得曼十狼獾泗在城正中
太木斯江之東南康柏衛之西北周四千一百六十一
方洋畝居民三十萬一千六百七十三名口樓房四萬
二千二百六十二所按年租價共估一百八十六萬零
八百七十鎊按鎊公抽六先七本土以供本區公費設
美爾一阿得曼十魯伊哈木在城之東南界南臨城邊
周七千零十一方洋畝居民十二萬七千四百名口樓
房若干所按年租價共估七十五萬鎊按鎊公抽六先
十本土以供本區公費設美爾一阿得曼七帕丁池在

城止西稍南北臨堪興坦周一千二百五十六方洋畝
居民十四萬三千九百五十四名口樓房一萬三千九
百零六所按年租價共估一百四十五萬二千八百零
五鎊按鎊公抽五先八本士以供本區公費設美爾一
阿得曼十坡蒲拉爾在城正東臨邊南傍太木斯江周
二千三百三十五方洋畝居民十六萬八千八百三十
八名口樓房二萬二千九百五十七所按年租價共估
七十八萬一千五百八十四鎊按鎊公抽八先八本士
以供本區公費設美爾一阿得曼七

四三

初五日庚寅白晝陰晴不定入夜大晴賢馬立本在城
中稍北南近霍勒貴周一千五百零六方洋畝居民十
三萬三千三百二十九名口樓房一萬七千零二所按
年租價共估一百六十九萬三千七百七十八鎊按鎊
公抽六先一本士以供本區公費設美爾一阿得曼十
賢潘喀斯在賢馬立本之北稍西周二千六百七十二
方洋畝居民二十三萬五千二百八十四名口樓房二
萬四千四百四十三所按年租價共估一百七十九萬
七千三百一十五鎊按鎊公抽六先一本士以供本區

公費設美爾一阿得曼十騷斯倭克在城正中太木斯
江南稍東周一千一百一十九方洋畝居民二十萬六
千一百二十八名口樓房三萬四千二百三十六所按
年租價共估一百一十八萬四千五百九十九鎊按鎊
公抽六先四本士以供本區公費設美爾一阿得曼十
溯爾的池在城中東北芬斯百里與貝那格林之南西
臨霍勒賁周六百四十八方洋畝居民十一萬八千七
百零五名口樓房一萬三千一百所按年租價共估十
七萬三千七百一十鎊按鎊公抽六先五本士以供本

四

區公費設美爾一阿得曼七司鐸克牛影池在城正北
界偏東南接伊荅比與哈克呢周八百六十八方洋畝
居民五萬二千四百二十七名口樓房七千六百八十
九所按年租價共估三十四萬二千一百一十四鎊按
鎊公抽之數未聞設美爾一阿得曼五斯台普呢在城
東界溯爾的池之南太木斯江北周一千七百六十四
方洋畝居民二十九萬八千五百四十八名口樓房三
萬四千七百四十三所按年租價共估一百四十萬四
千三百六十九鎊按鎊公抽六先六本士以供本區公

費設美爾一阿得曼九宛自倭爾斯在城之西南角周
九千一百零六方洋畝居民二十三萬二千零三十名
口樓房二萬六千九百六十一所按年租價共估一百
五十二萬七千零六鎊按鎊公抽六先八本土以供本
區公費設美爾一阿得曼十西敏斯得在城中央南臨
太木斯江東靠老城西傍堪興坦北接霍勒資周二千
五百五十五方洋畝居民十八萬二千九百七十七名
口樓房若干按年租價共估五百萬鎊按鎊公抽五先
九本土以供本區公費設美爾一阿得曼十五里治在

四五

城正東太木斯江南即前所比言之葉根霞也周八十
二百九十六方洋畝居民十一萬七千一百六十五名
口樓房十萬八千零九十九所按年租價共估六十四
萬七千一百八十四鎊按鎊公抽七先六本土以供本
區公費設美爾一阿得曼六

初六日辛卯晴外國火輪車之第一輛機器車重由一
百七十噸至二百噸故沿路橋梁皆須極鞏固現電機
盛興用之車輛相宜聞法國今擬將火輪車撤去機器
車頭改於每輛坐車中置一電匣歷來坐車每輛重約

八噸雖加電匣而分量依然既去二百噸重之機器則沿路橋梁可省人工料費車亦輕捷尤省時刻蓋沿途無須添水加煤也煤水既省則各站無需人工者多矣入夜陰

初七日壬辰陰雨陣陣前所謂倫敦各區之按年租價內公抽之款乃按一所樓房一年出租若干錢于是由中按錢公抽若干先此項在房稅地租之外不歸官而入本區工部局英名撥婁考安熙收數雖多而用處亦雜如學堂教堂醫院書院街巷路燈修理街道溝渠淨

四六

天氣清地氣預備巡捕衣帽錢糧賑濟貧民如各家兒女按官例皆須於六七歲入學讀書其無力者則代籌學費病者領入醫院代付藥費出天花者經醫官報入公局則送至鄉間或至海邊船內往來一切費用皆代付歿者無力買棺及無葬地則既代買棺復代買葬地并出一切載運葬埋各費也

初八日癸巳晴倫敦通城既分二十八區而各區又自分段乃有一教堂即為一段各區自設電燈局管理葬埋所公書院任人入內觀看鈔寫藥堂帶洗衣處雖按

人索錢而較他處價皆減半。詳見六各區自有公所名
日米尤呢希巴通勒丁或濤恩霍勒義皆城邑公堂也。
按月公會二三次皆有定期定時各官除美爾阿得曼
外有議事人三四五十不等咸稱曰寬希洛爾義即議
員或議士此外又有專理一事者如理財者估價者管
塚地者管澡堂者察工者察人之身骸氣力者察房地
者收公稅者管理事歸議院者管碼頭者察街道者察
燈火者察貨車者察大道者察花園者管書院者察驗
食物者更有書手帳官等總之一區理事各人大小不

四七

下一百云

初九日甲午陰冷見今日倫敦日傳新報內一則題云
王爵走私乃俄國某王爵夫婦由德回俄上車時管車
人察其形迹可疑電傳下站緝巡第一站在艾庫痕城
考察未獲至第二站威巴倫地方查得該王爵腰圍細
絲帶五斤經稅局勒令加稅五倍始准夫婦啟程前進
外國事事實辨處處皆然亦關乎實有其力上下一心
而已

初十日乙未晴近聞俄人莫克晒斯吉者本善蟲學現

創一法使有益於花木乃挾阜攀于樹槎免耗樹根吸
養之力而能使樹槎高生樹葉加綠而結實茂盛其細
法未詳究亦不外乎格物化學耳

十一日丙申早陰午初一刻率陳安生王香圃聯瑞亭
繼旭升乘車入卜靜宮赴朝會前次朝會因國君初即
位改新章各國公使與叅隨分兩班且各叅隨皆與本
國人同有名帖交禮官唱名此次仍因舊制公使在前
而叅隨隨之頭等者仍依次排立君左二三等者同各
叅隨皆立對面不知何故前次共人七百餘此次加至

四百

九百零由午正立至未初始畢申刻細雨陣陣涼

十二日丁酉陰雨英國水師用款昨經海部尚書擬定
於西曆一千九百零三四年各年須費至三千四百四
十五萬七千五百鎊較上年多費三百二十萬零二千
鎊又所擬添造船隻費須一千零十三萬七千鎊較上
年多用一百零七萬九千鎊水師兵卒擬加練十二萬
七千一百名較上年多加四百六十名此外又添火夫
六百二十五名水手三百七十五名今後凡各水手之
身辭強壯者皆須加練機器燒火等學以便隨時隨處

之用且各武弁亦須學練使用機器各學以備不虞。十三日戌戌晴聞一二十年前有英富官倭特路者樂善好施因思男女工人之貧苦無力多賃房間老幼羣居易於生病遂在鄉間買地今所築小房每所兩層上下三四五間不等一家夫婦子女之三四五口者居之較之與他人共居一所賃僅一二三間者潔淨便當多矣且房後咸以木牆圍一小院在內可以栽花曝物處處可得自由其賃價較他房減半亦貧民之所樂居數年前又有世爵婁敷以工人居住鄉間房雖賤而早晚

往來仍須出火車費莫如在城內建造大所樓房按層分間有公廁所每一二間間加廚房一小間按家口人數分居房直既加賤且房主代雇工人洒掃收拾于是

在太木斯江西議院之南沿江米勒班街舊有米勒班監牢為官折去因買其地及左右一帶建樓房現已一十七所總名曰謀得先令義為循規住所各所均以著名工匠之名名之如郝夏爾樓甘斯柏樓是也其地價共四萬五千二百零二鎊蓋房共費二十萬六千九百五十九鎊房間足供四千四百三十人住租價每間每

禮拜四先半或十二先半四間前于西二月十八日中
一月二十午後英皇與后便服坐四馬敬車由卜靜宮幸
其地以示憐念貧民之意當日在瓦克簾及丹敦那兩
街凡工民之賃此樓者皆窓外橫懸紅白綵綢王車到
有本區工部局總辦馬都夏率人迎迓馬幼女喀色蓮
呈獻皇后淺紅玫瑰一束以表恭敬人民皆歡呼君與
后入內步行一週末至一所住係一木匠其妻女由內
接出幼女愛蒂敬呈皇后紫蘿蘭一束將出樓門君與
后各畫押於門簿始登車由舊路還宮此類門簿凡於

辛

緊要之處皆有人之前往遊覽者臨行皆須書其名於
簿一以張其光耀於將來一若有物遺失亦可計日計
人追究云

十四日已亥晴半月前阿木斯當船廠主人那歐布夫
婦東請余與金氏于今日戌正在其家晚酌戌初偕內
人乘車至伊比坊第六十九號樓頗寬敞整潔陳設多
中華日本物伊夫婦曾東游也男女客陸續來十人未
詢名姓少坐下樓入飯廳酒食豐美勸進良殷亦正食
畢登樓各飲加非一杯少叙謝歸

十五日庚子晴。亥初，偕內人乘車入卜靜宮，赴君與后之女朝會。此朝會前，君主維克都里亞特皆於白晝午後，既不奏樂，君主亦永立而不坐。此次東請，亦正乃至子初三刻，君與后始出，立于座前。各國公使夫婦子女，參隨過前，君與后仍立。逮本國婦女過，則坐向各人點頭還禮矣。君座對面樓上奏樂，見畢，樂奏天保國王。于是君與后前行，眾陸續後隨，轉入別間茶酒小食。又與曩之入宮聽樂聽曲者同。且正還使館。

十六日辛丑晴。黑種人之面黑如鐵如漆者，在南美洲

圭

及斐洲之土人皆然。聞有德國醫生某甲，久歷斐洲之投勾蘭地方，據云其人之原質不黑。初產下，其皮色與歐洲者同。二三個月後，皮變稍青。再十天，則成栗皮色。四個月，則深黑如漆矣。查其大凡，必因其皮肉嫩，外表遂為地氣所易。白人至彼，久住而皮色不改者，因其皮肉生就，氣力足而能敵其氣也。

十七日壬寅晴。西俗晚餐最忌十三人共桌，不意昨晚有人在霍勒賁街白玉堂請客，遽入座，數之適十三人。主人即具柬別招一友，以足十四人。初舉箸，忽座中一

客之家人執電信來請。因係急務。其人謝辭馳去。依然
十三人共卓。皆不樂而散。主人約定改日復請。屆期人
數無誤。乃值月底三十日。且係禮拜五日。按月計之。月
底不祥。禮拜五日亦不祥。客皆不坐而去。以上詳見
四述奇
十八日癸卯晴。余前在德京觀劇。演有八十日繞地一
周之戲。亦僅人心設想而作。并無其人之曾經走過者。
今見新報中一則。題曰四十五天繞地一周。並將所經
各地之名及所需之時日開出。統須四十五天零五時。
由倫敦西北行一天零三點鐘至坤似塘城。在愛爾蘭
正南海口

三

再駕船走大西洋。西駛五天零十二點鐘。三刻至美國
紐約。由紐約坐火車西走十一點鐘至門地里阿。地在
他之南
界臨湖再西走陸路四天零四點鐘至萬庫瓦。在北美
洲西北
界西瀛由彼坐船西行十天零十點鐘至橫濱。再坐船
西南行一天零十二點鐘至長崎。仍坐船北行三天至
海參崴。由海參崴南行兩日至哈爾賓。再西行兩天零
十八點鐘至滿洲。再西北行三天零十二點半鐘至俄
國伊爾庫斯克。再西行七天零二十三點鐘至俄舊都
墨斯高。由彼再西北行水陸兩天零二十三點半鐘。則

學製造鑊櫃諸物既防回祿亦防盜賊乃近日德國穿
窬宵小亦緣是學造物為破他人已成之物倫敦城北
一帶所獲德人甚多皆由本國來此以充堂倌侍僕為
名入夜偷盜法既便所用器具亦精巧而各偷皆明此
學且知造鎖開鎖之法即如數日前有三德人偷開某
郵政局之鑊櫃乃先置一養術氣吹筒于櫃前不用暗
燈而用小電燈且置一二年新創之熱氣于櫃頂或
櫃旁此種熱氣極烈至硬之物遇而即軟鑊門既化成
孔則開之易矣另有一種火爐內置長圓鑊一函舍以

五

不灰木旁置一疾風筒圍以焦煤與炭火燒鑊熱塞入
孔中隨行無阻此後插一吸氣筒于一孔中以吸櫃中
之氣他人向別孔中塞火藥此孔隨塞他孔隨吸火藥
吸足然之轟轟鑊門即不自開而門亦必段此後將刺針
插入則各門皆開此針洋名程米苗此法無成則塞硫
酸鹽于鎖孔以毀鎖巧法種種各鑊櫃舖因知其破櫃
之策現又別設妙法以防其毀是無異一國礮出新式
則他國必設法以勝之

二十二日丁未晴倫敦理事長官駱立擇於今日

西三
月二

時戊初三十分在賽西店宴客名曰理事廳會半月前
駱東請今日戊初余著官服乘車往入店正門在院右
下車進樓門轉下石梯五層共百餘級入大廳見駱立
待少頃陸續到齊共三百五十四人居時旁門開入飯
廳廳極大四面牆壁皆鑲以彩石高約七丈寬六丈長
八丈四壁有電燈棚頂復垂大玻璃電燈八左鄙有樂
臺上坐紅衣樂兵十二樂奏陣陣對面壁中橫有鑲欄
內亦寬敞容坐數十人蓋此廳在地下廳上不知仍有
樓幾層其工之大可知矣廳內長卓列作梳形如此

五五

正面梳背一橫坐四十一人對面八空內每空坐二人
共十六人豎九齒每齒左右各坐十六人齒頭各坐一
人合每齒坐三十三人外客僅余一人他皆本國上下
議院世爵紳董及水陸帶兵大員并各區正副美爾等
駱立坐梳背正中余坐其右為首座再則上下議院爵
紳水陸大員并倫敦正任及前任美爾等通場坐齊駱
先立起眾亦隨立謝天賜食繼而齊行舉箸菜饌頗佳
酒香賓舍粒柏爾都萬卜朗等冰乳兩次鮮果有葡萄
平果香蕉波羅密飲加非後各進一帝袋內盛大小菸

捲各一對。于是駱立立言請諸君吸烟。再則請眾舉酒。一祝國君與后。再祝太子與妃等之福。樂兵隨奏天保國王之樂。此後立誦陳詞者十四人。每一人將立則駱座後一人高聲宣言。請諸位靜坐以聽某某演說。連聽各人言畢謝歸時已子正。

二十三日戊申晴暖。倫敦穿窬現既多。德義志與坡蘭人所用器具頗多精巧。前已述及一二。茲又聞有幾種如木梯長只二尺可拽長至二丈。割護窗護牆鑲板器頭作山字形。中一鋼鑽。左右利刃。後有鐵輪轉柄。執柄

矣

轉輪則鑽輪兩邊刀亦隨轉。少刻即一圓餅割下。牆壁通矣。洋人屋門睡時自內關鎖。乃將鑰匙遺插其上。乃有一種鐵鉗以之探入。能使鎖上鑰匙轉而開鎖。此外另有鋼鑽器具多種。皆無定名。至其刺針乃形似腰刀。可短可長。并備有帶鉤及各種細硬可大可小之鑰匙。以便臨時試用。

二十四日己酉晴。西國舊俗兩人因怒擇日彼此比武。或以劍對刺。或以手槍對擊。必有一傷而後已。此種鬪械名曰丟埃。前聞現在中國之俄人因槍劍無多。乃別

創一法係二人拈鬮其拈得寫死字者須由齊齊喀爾
至哈爾賓坐火車往來一次如果仍活或臂腿不傷則
其仇敵反相慶賀之蓋此條鑲道新造處處工不精而
料不實每行一輛征客必有損傷也

五

卷五終